



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

IV. Die Octobris.

**urn:nbn:de:hbz:466:1-9625**

progressurum: id quod euentus etiam affirmavit. nam licet grassans lucis tunc minari maximè ac furere videbatur, tamen repente stitit, nemine post illum erepto, vt ipse fore prædixerat. Nec semel audiram aiunt post mortem eius velut orantis vocem in templo, choro, cubiculo, vti precari viuis consueuerat. Plura de illo annua, ac Rectoris, & aliorum literæ ac

cur atè conscriptæ, quibus luculenter comendatur veterana virtus Laurentij qui quotidianis exemplis fuit omnibus Cracouiensis tyrocini sociis per insignis ad omnem disciplinæ laudem stimulator; & speculum impij gratias, ad Deum totis viribus, ac totâ fortitudine amandum, in ter laboribus tenerâ orandi assiduitate conditos.

## IV. DIE OCTOBRIS.

DOMINICVS  
DE ONNATE COAD.

4. Octobris  
Hispanus  
Cazorla.  
1596.  
Yucatis.

**C**VM luculenta domi res illum omnibus fortunæ bonis exutum destitisset; innocens licet tamen longo carcere afflictus est, donec tandem innocentia viri patuit; & ille libertati redditus, se Societati transcripsit. Orandi ac se afflictandi studium ad insignem in suis muniis diligentiam adiungebat. Mors illi assidue præ oculis versabatur. Vnde rogatus aliquando à superiore quid mente tractaret; respondit: Quod me per pedes trahant ad tumulum: quod à me peccatur ratio, seuerè tunc exigenda. Noctu audire sibi videbatur has Angeli sui (vt opinio fuit) voces: *Vita brevis est; labor exiguus est. primum verò grande est. prepara te ad reddendum rationem.* Sæpè illi in ore fuere illa. *Patientia, diligentia; & amplius thesaurorum.*

P E T R V S  
LE FRANQ COAD.

Belga Me  
chliniæ 4.  
Oâ. 1617.  
ætat. 81.  
Soc. 58.

**C**haritate, labore, & in furore hæreticorum Anuerpiam occupantium fortitudinæ fuit insignis; ab iisdè

in exilium etiam relegatus. Iucundum illi erat se omnibus posthabito, aliorum commodis studere, sacerdotum reuerentiâ magnâ & potissimum superiorum quos sub noctem adibat bonus senex, & aquâ benedictâ ab illis aspergi volebat, simulque benedictionem flagitabat. Multis quotidie sacrificiis ministrabat; orandi, laborandi ac se afflictandi assiduitate memorabilis. Vnde, & mors illum in flagranti, quod aiunt, reperit. Etenim 4. Octobris manè pœnitentiâ, & sacrâ synaxi recreatus, ac postea Beatissimam Virginem è rosario salutans, concidit: mox vnctus de vita migravit: cilicio ad pectus, & circa lumbos morientis reperto.

Fides.

Laboræ.

B. V.

Mortis fuit

Mors.

P. IOSEPH  
GVIMERANVS.

**E**rga se contempione profundâ: Erga alios mansuetudine, morum facilitate, charitate ad sacras operas promptâ: erga superiores obtemperandi alacritate præstabat, etiam cum Professis, aliisque præcisset Beatissimæ Virginis imagines domi obuias, flexis, vbi sine arbitris id licebat, genibus salutabat: floribus eleganter or-

Hispanus  
Valentiæ.  
4. Octobris  
1620. ætat.  
82. Soc. 67.

B. V.

C C c 3

nabat



*Tachylatoria.  
Contritto.*

nabat in eius festis; ut quali quali obsequio illi officium exhiberet. In more habuit, ut à Deo peccatorum veniam enixè quotidie centies flagitaret.

**P. IOANNES**  
DE LAS MISSAS.

*Indus Manilanus in Insula Maridduque.  
4. Oct. 1625.*

**R**Edux 4. Octobris à peracta apud Patres S. Francisci, de eius laudibus concione, à Mauris, ac aliis barbaris ethnicis odio fidei furentibus, explosi sclopi globo interfectus, & ca-

pire truncatus est. Inde furor versus in templum, imagines, & quicquid instrumenti sacri repertum est. Ex eius cranio propinatum, haustum, & in cadauer barbaris modis sævitum est. Iam ab ipsis religiosæ vitæ rudimentis habitus est Ioannes pro homine verè puro, ac sancto; habeturque pro explorata re ac certa, quandam Christi Cruci affixi, coram qua supplex attentione magnâ orabat, imaginem, illi aliquando fuisse locutam. Ea hodie quoque habetur in honore, ac reuerentia singulari.

*Fidei.*

*Crucifixum.*

**V. DIE OCTOBRIS.**

**P. LVDOVICVS**  
ALMEIDA.

*5. Octobris  
Lustranus in Iaponia  
Amacusa.  
1581. ætat.  
59 Soc. 27.  
Hist. Soc.  
1583. à 1. 24.*

**H**Vnc Societatis Historia nomine antiqui, experientis, & strenui Ecclesiæ Iaponicæ Ministri appellat. Ait familiaria illi fuisse prodigia curationum; cum nullus ferè tam desperatus, tam difficilis ei morbus offerretur, quem ille cælesti potentia non depelleret. Dæmon, quod è corpore puellæ quam annis octodecim infederat, exorcismis Almeida pulsus esset, Cangoximæ quadam nocte in eum insiliens, plagis crudelissimè contusum, in multos dies ægrè trahentem animam reliquit. Hæc omnia Societatis historia. Cæterum Ludovicus cum navis Odoardi Gamæ chirurgus esset, Bungum ad aliquos è Societate Firandum accersendos missus, & ibi spiritualibus S. P. Ignatij exercitijs eruditus ac inflammatus, quinque millia aureorum obtulit pro ephelio educandorū puerorum quos parentes desertos exponebant; & pro Nosocomio leproforum. cumque li-

*Dæmon.*

*Exercitia.  
Charitas.  
Vocatio.*

teras quoque calleret, se Societati ad-dixit, Iaponice linguæ, ac omnis moris callentissimus; laborum verò ac dolorum fame sanctâ semper avidus, arque insatiabilis. In disputando autem, ingenio scientiæque mirabili cæleste quidpiam præseferbat, ore disertò atque ad persuadendum fortissimo. Vnde plures Ecclesias ipse fundavit Euangelio per ipsos 27. annos isthic longè ac latè propagato, pro quo in lucris æternis posuit quod ad necem à Bonzijs quæreretur, quod plagis etiam acciperetur ab Idololatris, à piratis, domi, forisque. Gloriosum exilium, Cangoximâ eiectionis, per annum sustinuit in tugurio deserti litoris delitescens, in quo non nisi herbis agrestibus vescabatur. Aliàs quoque in vasta deserti spelunca per diu habitavit. Aliquando comprehensus, spoliatus, malè mulctatus, hianti cymbulæ impositus, & mari alto commissus, æger, cum plagis quibus opertus erat; cum extrema rerum necessariarum penuria, & cum sæuâ maris tempestate ita luctatus est, ut diuinâ ope terram tamen viuis tenuerit. Mortem tandem

*Zelus.*

*Patientia.*